

Siunnersuummut nassuiaatit

Nalinginnaasumik nassuiaatit

1. Aallaqqaasit

1.1. Siunnersuummut tunuliaqutaasoq pingaarneq

Inatsisartut Naalakkersuisullu pillugit Inatsisartut inatsisaata allanngortinneqarnissaanik siunnersuummik ataatsimiinnermut ingerlasumut Naalakkersuisut siunnersuuteqarput (UKA2022/185). Inatsisissatut siunnersuutip Naalakkersuisunit saqqummiunneqartup suliasat kinguartinneqarsinnaanngitsut suliarineqarnissaannut Inatsisartut qarasaasiatigut ataatsimiissinnaalernerannik malitseqassaaq.

Naalakkersuisut siunnersuutaat ilaatigut Covid-19 pissutigalugu ajornartoornermit misilittakanik tunngaveqarpoq, tassami tamatumani tuaviortumik inatsisiliornerit pisariaqartut naammassineqarnissaannut Inatsisartut katersorniarnarat ajornartorsiutitaqartartoq takuneqarsinnaasimammat.

Naalakkersuisut taamaattumik nalilersimavaat suliasat kinguartinneqarsinnaanngitsut suliarineqarnissaannut (ileqquusumik ataatsimiinnerit avataasigut) Inatsisartut qarasaasiatigut ataatsimiissinnaanermut periarfissaqartariaqartut.

Naalakkersuisut siunnersuutaata akuersissutigineqarnissaata naatsorsuutigineqartup Inatsisartut Suleriaasiata malitsitit iluarsineqarnissaa pisariaqartilissavaa.

Siunnersuut manna tamanna siunertaralugu saqqummiunneqarpoq.

2. Siunnersuummi immikkoortut pingaarnerit

2.1. Inatsiseqartitsinikkut pissutsit atuuttut

Inatsisartut Suleriaasiat aalajangersakkanik arlalinnik imaqarpoq ileqquusumik taamatullu aamma immikkut ataatsimiinnerit ingerlanneqarneranni Inatsisartunut ilaasortat najuullutik peqataanissaannik piumasaqaatitaqarfiusunik:

- Inatsisartunut ilaasortat ikinnerpaamik affaat najuuppata taaseqataappatalu Inatsisartut aalajangiisinnaassuseqartut suleriaatsimi § 45, imm. 1-imi aalajangersarneqarpoq. Ilaasortaq taaseqataasinnaassaguni inimi ataatsimiiffimmi nammineerluni najuutissasoq aalajangersakkami aalajangersarneqarportaaq.

- Taasinerit qanoq ingerlanneqartassanersut suleriaatsimi 45, imm. 2-3-milu aalajangersarneqarput. Aalajangersakkat taakku malillugit ilaasortat nikuillutik qarasaasiatigulluunniit atortulersuutit atorlugit taasisassapput.
- Suleriaasimi § 49, imm. 1, oqaaseqatigiit siulliit aappaatalu malitsigaat Inatsisartunut ilaasortat Inatsisartut oqaluttarfianniit oqaaseqartartussaammata, taamaattorli malitsigisaanik oqaaseqaatit malitsigisaanillu apeqquteqaatit ataatsimiittarfimmi oqaluttup issivianit saqqummiunneqartassallutik.

2.2. Siunnersuut

Siunnersuutikkut Siulittaasoqarfik piginnaatinneqarpoq suliassamik kinguartinneqarsinnaangitsumik suliarinninniarlutik Inatsisartut immikkut ittumik ataatsimiissatillugit ataatsimiinnerup videukkut nalunaarasuartaatitigulluunniit attaveqaatitigut ataatsimiinnertut, imaluunniit najuulluni aamma videukkut nalunaarasuartaatitigulluunniit attaveqaatitigut ataqtigiissillugit ataatsimiinnertut ingerlanneqarnissaa aalajangissallugu.

Siunnersuutikkut taamatuttaaq ataatsimiinneq videukkut nalunaarasuartaatitigulluunniit attaveqaatitigut ataatsimiinnertut, imaluunniit najuulluni aamma videukkut nalunaarasuartaatitigulluunniit attaveqaatitigut ataqtigiissillugit ataatsimiinnertut ingerlanneqassatillugu taasisarnerit qanoq ingerlanneqartarnissaat pillugu aalajangiinissamut Siulittaasoqarfik piginnaatinneqarpoq.

Siunnersuutip malitsigissavaattaq ilaasortat Inatsisartut oqaluttarfianniit imaluunniit (malitsigisaanik oqaaseqaatit malitsigisaanillu apeqquteqaatit eqqarsaatigalugit) oqaluttup issivianit oqaaseqartarnissaannik suleriaatsimi aalajangersakkat sanioqqunneqarsinnaassammata, ilaasortat najuutinnikkaluarlutik ataatsimiinnernut taamaattunut peqataasut eqqarsaatigalugit.

3. Pisortanut aningaasatigut allaffissornikkullu kingunerisassai

Malitsitut iluarsinerit taamaallaat pineqarmata siunnersuutip immiini pisortanut aningaasatigut allaffissornikkullu kinguneqarnissaa naatsorsuutigineqanngilaq.

4. Inuussutissarsiortunut aningaasatigut allaffissornikkullut kingunerisassai

Siunnersuut inuussutissarsiortunut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut innuttaasullu peqqissusiannut kingunerisassai

Siunnersuut avatangiisinut, pinngortitamut innuttaasullu peqqissusiannut kinguneqassanngilaq.

6. Innuttaasunut kingunerisassai

Siunnersuut innuttaasunut kinguneqassanngilaq.

7. Kingunerisassai pingaarutillit allat

Siunnersuut pingaarutilinnik allanik kinguneqassanngilaq.

8. Oqartussanik suliniaqatigiiffinnillu il.il. tusarniaaneq

Siunnersuut tamanut tusarniaatigineqarsimannngilaq, siunnersuut taamaallaat Inatsisartut namminneq atugaannut tunngammat.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Imm. 1-imut

Aalajangersakkakut Siulittaasoqarfik piginnaatinneqarpoq suliassamik kinguartinneqarsinnaanngitsumik sularinninniarlutik Inatsisartut immikkut ittumik ataatsimiissatillugit ataatsimiinnerup videukkut nalunaarasuartaatigulluunniit attaveqaatitigut ataatsimiinnertut, imaluunniit najuulluni aamma videukkut nalunaarasuartaatigulluunniit attaveqaatitigut ataqatigiissillugit ataatsimiinnertut ingerlanneqarnissaa aalajangissallugu.

Pisuni immikkorluinnaq ittuni inuiaqatigiinnullu annertuumik pingaarutilinni aalajangersak-
kap aatsaat atorneqartarnissaa eqqarsaataavoq.

Taamatut immikkut ittumik ataatsimiinnermi § 38, imm. 3, oqaaseqatigiit pingajuat naapertortorlugu suliassat ataatsimiigiaqqusinnermut pissutaasut saniatigut suliassat allat oqaluuserineqarsinnaassanngillat.

Taamatuttaaq aalajangersakkami oqaaseqatigiit aappaattut siunnersuutip malitsigissavaa suleriaatsimi § 45, imm. 1, *tamatumunnga naapertuuttumik naleqqussarlugu* taamatuttaaq atuutissamat. Taamaalilluni tamatuma kingorna Inatsisartut aalajangiisinnaassuseqartutut isigineqassapput, ilaasortat ikinnerpaamik affaat taasisitsinnermut peqataappata, najuulluni imaluunniit videukkut oqarasuaatikkulluunniit peqataasoqarnersoq apeqqutaatinnagu.

Imm. 2-mut

Suleriaatsimi atuuttumi § 49, imm. 1, oqaaseqatigiinni siullermi marlunni aalajangersarneqarpoq ilaasortat Inatsisartut oqaluttarfianniit oqaaseqartassasut, taamaattorli malitsigisaanik oqaaseqaatit malitsigisaanillu apeqquteqaatit ataatsimiittarfimmi oqaluttup issivianit saqqummiunneqartassallutik.

Ilaasortanut najuunnatik peqataasunut suleriaatsimi § 49, imm. 1, oqaaseqatigiit siulliit marluk atuutissanngitsut aalajangersagassatut siunnersuutigineqartumi aalajangersarneqarpoq.

Imm. 3-mut

Suleriaatsimi atuuttumi § 45, imm. 2-3, taasisarnerit qanoq ingerlanneqartarnissaannut aalajangersakkanik imaqarput.

Ataatsimiinnerup videukkut nalunaarasuartaatitigulluunniit attaveqaatitigut ataatsimiinnertut, imaluunniit najuulluni aamma videukkut nalunaarasuartaatitigulluunniit attaveqaatitigut ata-qatigiissillugit ataatsimiinnertut ingerlanneqarnerata, taasisarnernut malittarisassat taakku satioqqunneqartarnissaat pisariaqartilersinnaavaa.

Aalajangersagassatut siunnersuutigineqartukkut ataatsimiinneq videukkut nalunaarasuartaatitigulluunniit attaveqaatitigut ataatsimiinnertut, imaluunniit najuulluni aamma videukkut nalunaarasuartaatitigulluunniit attaveqaatitigut ata-qatigiissillugit ataatsimiinnertut ingerlanneqassatillugu taasisarnerit qanoq ingerlanneqartarnissaat pillugu aalajangiisarnissaminnut Siulittaasoqarfik piginnaatinneqarpoq.

Aalajangersagaq assersuutigalugu atorneqarsinnaassaaq ilaasortat ataatsimiittarfimmi najuutinnikkaluarlutik peqataasut aqqi taagorlugit taasisinneqassasut aalajangernissaanut.

§ 2-mut

Aalajangersakkami siunnersuutip atuutilerfissaa oqaatigineqarpoq.

Siunnersuut inatsimmut atuuttumut sanilliullugu	
Oqaasertalerneqarnera atuuttoq	Siunnersuut
	<p style="text-align: center;">§ 1</p> <p>Inatsisartut Suleriaasianni 12. november 2010-meersumi, 22. september 2011-mi aamma 29. maj 2011-mi, 28. maj 2015-imi, 1. juni 2016-imi aamma 22. november 2019-imi allanngortinneqartumi, tulliuttut allanngortinneqarput:</p>
	<p>1. § 45-p kingornanut ilanngunneqassaaq: <i>”Immikkut ittumik ataatsimiittoqartillugu Inatsisartut ataatsimiinnerinut qarasaasiakkut peqataaneq</i></p> <p>§ 45 a. Suliassamik kinguartinneqarsinnaanngitsumik suliarininniarlutik Inatsisartut immikkut ittumik ataatsimiissatillugit ataatsimiinnerup videukkut nalunaarasuartaatigulluunniit attaveqaatitigut ataatsimiinnertut, imaluunniit najuulluni aamma videukkut nalunaarasuartaatigulluunniit attaveqaatitigut ataqatigiissillugit ataatsimiinnertut ingerlanneqarnissaa Siulittaasoqarfiup aalajangersinnaavaa. § 45, imm. 1, tamatumunnga naapertuuttumik naleqqussarlugu taamatuttaaq atuutissaaq.</p> <p><i>Imm. 2.</i> Ilaasortanut najuunnatik peqataasunut § 49, imm. 1, oqaaseqatigiit siulliit marluk atuutissanngillat.</p> <p><i>Imm. 3.</i> Taasisitsinerit Siulittaasoqarfiup sukumiinerusumik aalajangersagai malillugit ingerlanneqartassapput.”</p>
	<p style="text-align: center;">§ 2</p> <p>Allanguutit ulloq 1. december 2022 atuutilerput.</p>